



Nuuk den 01. juni - 2018

Inatsisartut Suleriaasianni § 37 naapertorlugu Naalackersuisunut apeqquiti imaattut matumuuna saqqummiuppakka:

**Naalackersuisunut apeqquiti:**

**1. Naalackersuisut nalunaarutigisinnaanerlugu angalasut bilittinut qanoq angitigisumik akiliinerusalissartik naatsorsuutigissaneraat mittarfinnut akitsuutikkut aamma taamatut akinik qaffaaneq qanoq sivisutigisumik atasariaqassava, nunap immikkoortuini - aamma siunissami ukiuni qassini tamanna ingerlassava?**

**1 A) Aamma aningaasaliissutinut pisortat tapiissutissaat qanoq tunngaveqassappat? Tunngavigalugit silaannakkut angallannermi angallaviit imminut akilersinnaanngitsortai mittarfiit arlallit ataatsikkut sananeqarnerinut atatillugu?**

**1 B) Aamma tamanna akinut qaffaat ullumikkut kiffartuussinermut isumaqatigiissutini malugineqarsinnaassappat imaluunniit angalasut bilittiisa akiini toqqaannartumik?**

**2. Eqqarsaatigineqarnikuua imaluunniit misissorneqarnikuua Kalaallit Nunaata isertitaasa kingunissai aorlu aalisagaqarfik aalisagaqarfiilluunniit ajalusuussagalupata imaluunniit isertitat allat Aningaasanut Inatsimmi ilaajunnaassagaluarpata?**

**2 A) Aamma tassunga ilanngunneqassapput akileraartartunut kingunissai inuutissarsiut imaluunniit inuutissarsiutit atorunnaassagaluarpata aalisapilunneq, saarulliilluunniit nikeriataarnerat soorlu pissutaalluni imaluunniit pisut arlaat pissutaalluni Aningaasanut Inatsimmi isertitat arlaat tassanngaannartumik milleriataassagaluarpata?**

**Aningaasammi mittarfiliortiterit aningaasalersornerannut atorneqartussat akilerneqartussaapput.**

**2 B) Allatut oqaatigalugu; Aningaasarsiornissamut periarfissat allat Naalackersuisut eqqarsaatigaat ullumimut naleqqiullugu allatut isaatitsiniartalissagaluarutta - isertitallu annermik nakkariartorlutik?**

**3. Naalackersuisut aallarniutitut akileeqaataassutissaat Kalaallit Airportsimut sumit akilerneqarpat? - Taarsigassarsinissamut atatillugu aallarniutissat suminngaanniit aaneqarpat?**

**3 A) Aamma aallarniutissat sinneri suminngaanniit aaneqassamaarpat?**

**4. Taarsigassarsinermut atatillugu aallarniutissanik aallertariaqarnek ingerlatseqatigiiffinnut kalluarneqartunut qanoq kinguneqarpa imaluunniit kontunut aallerfigineqartariaqarsimasunut, matumani eqqarsaatigalugit ingerlatseqatigiiffiit aamma aningaasanut inatsimmi kontut?**

**Tunngavilersuut:**

Innuttaasut 55.800-t missaaniittut (2015) ilaat 25.000-t missaat (2015) sulisinnaapput. Sulisinnaasut ikileriarnissaat taggiinerit eqqarsaatigalugit taamatullu utoqqaat amerlissamaarneranut taggiinerit kiisalu nunami maani inuttut ajornartorsiutit qiviaraanni, soorlu aamma inuusuttut ilinniartinniarnearni ajornartorsiuteqartugut, ernumanarsinnaavoq taarsigassarsiniarnissaq Landskarsi /Aningaasanut inatsit qularnaveeqqusiuliullugu taarsigassarsiariniarneqartunut, sualummik taarsigassarsiariniarneqartut amerlalluinnarnerat eqqarsaatigalugu. Ataani atsiortup nassaarisinnaasimanngilai inuiaqatigiit aningaasarsiornerannut aningaasaliissutissat kingunissaasa naatsorsorneqarneri aamma misissorneqarsimanngilaaq siunissami pineqartut qanoq akeqassanersut ajalusoorutaasinnaasut ilanngullugit kiisalu aamma siunissami innuttaasut amerlassusissaat, ilinniarsimassutsip naliginnaasumik qaffasissusaa, inuutissarsiutininik ineriartortitsinissaq, nunani allaneersunik suliarortussanik killilersuiniarneq - taamaasillunilu tamatumap akileraarutigut annaasaqatigineqarnissaa aamma inuutissarsiutini



SULEQATIGIISITSISUT  
SAMARBEJDSPARTIET

assigiinngitsuni isertitat appariarsinnaanerat aamma ilaatinneqangillat.

Ukiuni aggersuni annertoorsuarnik suliaasaqarpugut aamma angallannerup iluani allanngortiterisussaavugut, kisianni tuaviupiluttoqarsorinarpoq tassani pilersaarutit akueritinniarneqarput ullumininnguit sapaatip akunnimininnguillu ingerlanerni sukumiisunik misissuinernek tunngaveqartitsigani, ersersinniarlugit kingunerussat tamaasa - aamma pisussat kinguaariit tullisa ataatsit tungaanut.

Meeqqanut inuusuttunullu immikkoortumi inuttut ajornartorsiuterpassuit, peqqinnissaqarfimmi, utoqqarnik sullissinermi qissimikkaanni kiisalu ineqarnikkut ilinniartitaanikkullu kinguaattoornerujussuit taamatullu suliarlorlutik nuunniartunik killilersuiniarnerit qiviraanni isumaqarnerusorinaraluarpoq isertitatta ilaat qulaani taaneqartunut aamma innuttaasut akornanni ajornartorsiutinut inooqataaffigisatsinnut atorneqaannartuuppata tulluarnersagaluarpoq.

Aamma amingaatigaarput siumut isigisumik misissuisoqarnissaa eqqarsaatigereerlugit sulisinnaasut ikiliartornerat aamma sulisinnaanngitsut utoqqaat amerliartornerat nutaanik mittarfiliornernut atatillugu aamma tamakku aningaasalersornissaannut atatillugu.

Aamma nuuttunut politikimik sukanerinissamut oqalunnerit, tassa siunissami aningaasalersueqataasussanut ikinnernut agguartariaqarmata aningaasartuutitigut nammatassat aamma tassunga atatillugu puigornagu akileraartut qaffattariaqarnissaat. Taamatullu aamma ilannguttariaqarput ukiut pissakilliorfiit, isertitat ikilinerannik nassataqartussat. Taarsiullugu naatsorsuutigisariaqarpoq kiffartuussinerit appartingaatsiartariaqarnissaat, aningaasaliissutitigut malinnaaniassagutta imaluunniit ineriartorneq unitsittariaqassavarput aamma aningaasaliissutit, namminersorlutik oqartussat ingerlatseqatigiiffiini pisisartunut kiffartuussinerit akii appartariaqassavagut, taakkunannga taarsigassarsianut akiliutissat tiguseriaqassagsigit.

Ukiunut inuit 80.000-t missaasa Kalaallit Nunaannut angalasarnerat eqqarsaatigalugu imaassinnaavoq angalasut ataasiakkarlutik tamarmik akitsuutinut imaluunniit bilittinut akiliinerusalernissaat - taamaattoqassanngippalli akileraartartut ataasiakkaat tamarmik toqqaannartumik toqqaannanngitsumilluunniit akileraarnerusariaqassapput timmisartunut suluusalinnut mittarfinnik pingasunik sanaartorneq akissaqartikkumallugu, siunissami kingunerujumaartusat naammattumik ersarissaqqaanngikkaluarlugit.

Malunnarpoq naammattumik ersarissarneqarsimangitsoq innuttaasut naliginnaasut toqqaannartumik toqqaannanngitsumilluunniit mittarfiliortiternernut akileeqataasarnissaat kiisalu aamma ukiuni qassini akileeqataasassanersut.

Aamma ersarissarneqanngilaq angalaviit sorliit pisortanit tapiiffigineqartassanersut imaluunniit ilaasut qanoq amerlitigisariaqassanersut iluatsitsisoqassappat aammali paarlattuanik suut naatsorsuutigineqassanersut ilaasut ikileriassagaluarpata imaluunniit bilittinut akit qaffassagaluarpata imaluunniit mittarfeqarnermut akitsuutit qaffassagaluarpata mittarfiit aningaasalersornerannut ikorfartuutit.

Aamma Suleqatigiissitsisuni nassaarisinnaasimangilagut misissuinerit pitsaasut suliarilluakkallu takutitsisunik illoqarfiit mittarfittaarnikut qanoq ilinniartitsinermit aningaasaliiffigineqassanersut, tikeraanik tikilluaqqusisarfegassanersut, takornariat ingerlariaqqissinnaajunnaartut qanoq pineqartassanersut, nunap iluani angalasut ingerlaqqissinnaajunnaartut qanoq pineqartassanersut il.il. qulaani pineqartut aningaasalersorumallugit. Tassa suut immikkut aningaasartuutit aningaasaliinerillu pisariaqassanersut.

Aamma iluatsinngilagut misissuinerit nalunaarutilluunniit naleqqersuussisut mittarfiliassanut pilersaarutaareersunut aningaasartuutini kiisalu nuna tamakkerlugu taarsigassarsiansanut pilersaarutaareersunut taamatullu nunap avataaniik taarsigassarsiansanut taamatuttaaq aamma



SULEQATIGIISITSISUT  
SAMARBEJDSPARTIET

amingaatigivarput pingaarnersiuinissamut misissuineq atuuttussaq soorlu ukiunut qulinut,20-nut aamma 30-nut.

Apeqqutit ullut suliffiit nalinnaasut qulit iluanni akineqarnissaat kissaatigaarput.

Tillie Martinussen

Samarbejdspartiet - Suleqatigiissitsisut